

直隸叙永廳志卷七

戶口志

直隸叙永廳

明季原額無考

國朝康熙年間陸續奉行清查至六十一年徵輸止開墾報部承糧花戶三千一百九十七戶雍正六年奉行清丈查出報部承糧花戶新舊共六千六百四十戶乾隆年間奉行清查至六十年徵輸止報部續墾承糧花戶一千零二十六戶又增入戶口

直隸叙永廳志

卷七

戶口

一

一千七百一十七戶連前新舊報部共九千三百八十三戶

嘉慶年間續增戶口九百六十五戶現在十七年實在承糧花戶一萬零三百四十八戶又現編民數戶口自雍正元年起至嘉慶十六年止共三萬二百八十戶共男婦九萬五千八百二十七丁口

永寧縣

縣向屬貴州原額無考

國朝雍正八年改撥歸川九年奉文清丈永盛寧和二

里十一年補丈長樂大康二里通共報部承糧花  
戶一千九百五十三戶乾隆年間奉行清查至六  
十年徵輸止陸續報墾承糧花戶五百一十三戶  
又增入戶口一百八十四戶連前新舊報部共二  
千六百五十戶

嘉慶年間續增戶一百二十三戶現在十七年實  
在承糧花戶二千七百七十三戶現編人丁一萬  
一千七百二十三丁